

# Sihlinz Lingzyinz Guh Buek Hozdung Ndaej Swciyen Dakdaih 30 Hopbi

## 西林凌云举办享受自治县待遇 30 周年系列活动


11 nyied 7 hauh daengz 8 hauh, Bwzswz Si Sihlinz Yen guh buek hozdung geiqniemh ndaej swciyen dakdaih 30 hopbi. Vunzlai gak minzcuz sim' angq yawj langhbaij, ngonz vwnzyi biujyienj, cimz doxgaiq ndeigwn daengj. Neix hawj vunz haeujlaeg roxnyinh, miz cwngecwz minzcuz Aendangj ciuqrongh, gij ginghci sevei vwnzva gak hangh saehnieb Sihlinz cungj guh ok cingzeik hungmbwk, vunzlai gak minzcuz caemh caezhoz huzndei, buekguh baenaj.

11 nyied 8 hauh daengz 9 hauh, Bwzswz Si Lingzyinz Yen caemh guh hozdung geiqniemh ndaej swciyen dakdaih 30 hopbi. Aen hoih yinhoyz baijok minzsug vwnzva, dwzcanj gingjsaek; doengh mbaw doz laeng aen langhbaij cingcik yienh'ok hawsingz lajmbanj bienqvaq hungloet; aen hoih codanz maeuzveh gij roen moq fuengfap moq doicaenh Lingzyinz youq seizdaih moq hwngfat youh ndei youh vaiq, langhbaij gij yiengh moq caeuq hoenghfwd Lingzyinz.

(Cau Vujlinz/赵武林 Liengz Cingz/梁晴 Veiz Yingjcinh/韦颖琛 Vangz Yinz/黄云)



▲ Sihlinz Yen guh lai yiengh hozdung geiqniemh ndaej swciyen dakdaih 30 hopbi.



▲ Gij vwnzyi cezmuuz Lingzyinz Yen gig miz daegsaek.



## Dunghlanz Eu Fwen Lwnh Cing-saenz Ngeihcib Daih Aendangj

### 东兰山歌宣传党的二十大精神

11 nyied 12 hauh, hajcib boux canghfwen Hozciz Si Dunghlanz Yen doxcomz youq aen vwnzva gvangjangz ndawyienh, yienhciengz sing fwen rwenz raeuh. Neix dwg Dunghlanz Yen haiguh buek hozdung eu fwen lwnh

cingsaenz Ngeihcib Daih Aendangj. Doek-laeng, Dunghlanz yaek laebdaeb ciu vunz laeb doih lwnhgangj, hai ban son' lienh, hawj cingsaenz Ngeihcib Daih Aendangj doekrag ndawsim vunzlai.

(Veiz Vanjshw/韦宛孜)

◀ Canghfwen Dunghlanz Yen youq gwnz daizheiq doigfwen.

## Mungzsanh Guh Ciet Buenzvuengz Yauzcuz

### 蒙山举办瑶族盘王节

11 nyied 12 hauh, Vuzcouh Si Mungzsanh Yen youq Cangzbingz Yauzcuz Yangh Mbanjangzbingz guh aen ciet buenzvuengz Yauzcuz. Gyoengqvunz caeq Buenzvuengz, foux lungzfiengz, biujyienj dwzgi, daejniemh dijuuz cienzdoengj, doiqfwen, daengva cunzyouz daengj. Mungzsanh guh neix ciepcienz sibsug Yauzcuz, hawj vunzlai gak minzcuz

cungj angqriu gvaq ciet hoengh, caiq doicaenh ciepcienz vwnzva, hwngfat canjnieb, haifat lijyouz canjnieb, bangcoengh lajmbanj saenqhwn.

(Vangz Swnglinz/黄胜林 Cai Cunghgez/蔡中杰)

► Mehmbwk dieg de angq diuq foux faexsaux.

